



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Notarii.

urn:nbn:de:hbz:466:1-10447

MENZA EPISCOPALIS.

QUæ beneficia dicantur de mensa, vide Paul. Rom. tract. de pens. c. 1. num. 8. ubi generaliter loquendo, habens illa dici de mensa, quæ sunt unita, & non habent perpetuum rectorem, Zabarella in Clem. frequens, & ibi gl. in ver. ad mensam, de excess. pralat. vel quando non habent specialem administratorem, alium à superiore pralato, idem in Clem. quia regulares, de sup. negl. pral. & ibi gloss. in ver. mensa, ubi dicit, quod Ecclesiæ, quæ sunt de mensa, non vacant. ratio est, quia sunt unitæ mensæ, quæ nunquam moritur, & Zenzilius ibi dicit, quod sunt ea, in quibus ponuntur simplices ministri, seu collectores, & sic non cadunt sub reservationibus, Paul. loc. cit.

NAUFRAGIUM.

Primò, naufragantium bona accipientes, regulariter sunt excommunicati in Bull. Cœnæ Domini. fallit primò, quando susceperint ea bono animo, ut restituant suo domino, nisi fuerint in mora, quia tunc ratione illius moræ sunt excommunicati per Conc. Later. excommunicatione Episcopali, cap: excommunicationi, de rap: & ibi Abb. secundò, quando ignorant esse talia, id est, bona naufragantium, quia putabant esse aliorum, Nav. const. 43. nu. 2. de sent. excom. tertio fallit, quando dominus ea eiecisset, animo non recuperandi, vel si habuerit illa

pro derelictis, quia tunc fierent occupantis, idem conf. 3. de rest. spol. quod tamen deberet intelligi cum grano salis, per regulam, quia nemo putatur iactare suum, Cajet. in sum. ver. excom. c. 23. Sylvest. ver. excom. 7. nu. 57. Nav. c. 27. num. 117. Fran. Senen. in exposit. septi. precepti, nec valet lex de confiscatione bonorum naufragantium, quia esset tyrannica. Doct. loc. cit. vide Azon. in sum. libro 11. Cod. rub. 5.

Secundò, multa habes de reperientibus bona naufragantium in constit. rapinas, & ibi Afflict. idem de ruin. & incendio, & ponitur pœna mortis.

Tertio, naufragantium bona in portibus, & ripis maritimarum S. R. Eccles. aut in mari, aut in Tiberim, ad evitandum pericula tempestatis iacta, nemo occupet, vel diripiat, etiam sub prætextu consuetudinis, Paul. III. Bull. 48. quæ incipit, Accepimus, & alia, quæ est 57. & Jul. III. Bull. 49. & Pii V. Bull. 7. Greg. XIII. Bull. 52.

Quartò, qui tempore naufragii vocati à patronis navium, vel barcharum, auxilium eis ad bonorum præsertionem, vel recuperationem præstiterint, quartam partem bonorum præsertorum, aut acceptorum lucrantur, perturbatores autem, aut occupantes multas pœnas incurrunt, Paul. III. Bull. 57. quæ incipit, Accepimus.

NOTARII.

Notarii, quicumque sint, possunt compelli per commissarios fabricæ sancti

sancti Petri de Urbe, ad aperiendum, & ostendendum testamenta, post annum, à die obitus testatoris. Pius IV. Bull. 58. que incipit, Et si per diversos, sub pœna excommunicationis latae sententiæ, solutâ ipsi Notariis debitâ mercede.

NUPTIÆ.

Secundæ nuptiæ an sint benedicendæ? Respondetur primò, quòd non, *ca. 1. de secund. nupt.* Dico secundò, quòd hoc intelligitur, quando sunt secundæ ex utraque parte. Dico tertio, quando sunt secundæ ex parte mulieris, neque sunt benedicendæ. ratio est, quia tota illa benedictio nuptialis tendit super foemina. Dico quartò, si sunt secundæ ex parte viri, tunc est attendenda consuetudo probata. Dico quintò, pœna Sacerdotis benedicentis secundas nuptias ab utraque parte, licet textus dicat, quòd sit imponenda suspensio, tamen Diaz *pract. crim. canon. c. 68.* dicit esse arbitrariam, & Covar. *de sponsal. 2. part. c. 8. §. 2. nn. 1.* dicit, extare Extravag. Jo. 22. qua relevat missionem talis Sacerdotis ad Sedem Apostolicam, prout disponebatur in d. *ca. 1.* vide Sylv. in *versu. nupt. §. 1. & 2.*

OBLATI.

Primò, si quis dedit se, & sua bona alicui loco religioso, non murato habitu, capiatur per curiam temporalem, an possit peti per ecclesiasticam?

Respondetur, quòd non. Cap. Tolos. *qu. 2.* sed an possit contrahere matrimonium? Respondetur, quòd sic. Inn. *inc. ut privilegia, §. sanè, & ibi gl. ver. mutato habitu, de privileg.* Cap. Tolos. *qu. 383.* & an gaudeat privilegio fori? Respondetur, quòd non, Add. ibi, & Gl. in d. *c. ut privilegia, nec privilegio canonis. idem ibidem, Cov. in c. alma mater, 2. par. §. 2. nu. 9.*

Secundò, oblati differunt à conversis, quia conversi emittunt tria vota essentialia, oblati verò non. rursus oblati sunt in duplici donatoria, quidam mutato habitu manent intra claustra monasterii, alii oblati bonis suis monasterio alicui, manent in sæculo, & sic conversi, & oblati in primo genere dicuntur personæ ecclesiasticæ: alii verò non. *Sec. in c. de for. comp. & ibi Abb. Cov. in c. alma mater, 2. p. §. 2. n. 9.*

OBLATIONES.

Primò, Oblationes sunt in triplici donatoria, prima, quando donatur aliquid Ecclesiæ, vel inter vivos, & de hac in *10. q. 1. per totum, & tit. de donat. & in c. cum sic, tit. de consec. Eccles. vel alt.* & de hac habetur in decretis Urbani Papæ primi, *Epistola unica ad universos Episcopos, & habetur in cap. videntes, 12. q. 1.* Secunda, quæ fit causa mortis Deo, vel Ecclesiæ, & de hac *cap. requisisti, de testamentis.* Tertia quæ fit à fidelibus in manibus Sacerdotis parochiæ ad altare, dum celebrat, *cap. antiquos, 10. qu. 1. Host. in sum. tit. paro. §. in quib. ver. hęc tamen sciendum, & istæ sunt paro-*